

GID POU PARAN POU KLAS MATÈNÈL LANG AK LITERATI ANGLÈ

Preparasyon Timoun Florida Pou yo Gen Yon Bèl Avni



Tout timoun Florida merite diplome nan lekòl segondè avèk konesans ak ladrès yo bezwen pou yo reyisi nan kolèj, nan karyè yo chwazi ak nan lavi yo. Nan anpil ane ki sot pase yo, Florida te fè gwo pwogrè akademik. Men, nou konnen mache travay jodi a egzije elèv diplome nou yo pou yo gen pi bon panse kritik, pi bon ladrès pou yo rezoud pwoblèm ak pi bon ladrès pou yo kominike pase anvan. Prensip siperyè ki ankouraje ak motive elèv nou yo enpòtan.

Pou satisfè bezwen sa a, dirijan edikasyon nan eta Florida te amelyore prensip pou matyè akademik nou yo, pou yo kreye nouvo egzijans pou sa elèv yo bezwen konnen ak kapab fè. Prensip Florida yo la pou asire TOUT elèv yo reyalize pi gwo potansyèl yo—kèlkeswa sa chemen an ka ye.

Preparasyon pitit ou li reyisi kòmanse nan klas matènèl epi li kontinye pandan pitit ou ap vanse nan chak klas. Gid sa a ap sipòte paran ak fanmi

ki gen timoun ki nan **klas matènèl**. Pou fè sa, gid la ap ede ou:

- **Aprann** Prensip Florida yo ak rezon ki fè yo enpòtan pou pitit ou.
- **Pale** avèk pwofesè pitit ou sou sa pitit ou ap aprann nan salklas la.
- **Sipòte** aprantisaj pitit ou nan fason pratik lakay ou.

APRANN PRENSIP YO

Elèv Florida yo ap kontinye pratike anpil menm bagay yo te aprann nan klas matènèl—ansanm avèk kèk ladrès siplemantè enpòtan. Elèv **klas matènèl** yo ap aprann kalite lesон sa yo:

- Poze epi reponn kesyon sou detay enpòtan ki nan yon tèks avèk sijesyon ak sipò.
- Rekonèt kalite tèks komen (pa egzanp, liv istwa, powèm). 
- Angaje yon fason aktif nan aktivite lekti an gwoup avèk objektif ak konpreyansyon.
- Li nouvo tèks lektè avèk objektif ak konpreyansyon.
- Montre konpreyansyon òganizasyon ak karakteristik debaz tèks ekri.



Chak timoun devlope nan ritm pa li. Aktivite ki nan gid sa a se gid ki rekòmande pou laj espesyal pou lespri jèn timoun k ap grandi.

Telechaje Prensip Florida pou Lang ak Literati Anglè pou Klas Matènèl sou sitwèb www.flstandards.org

#FLStandards
Antre nan konvèrsasyon an



Kreyasyon: Depatman Edikasyon Florida (Florida Department of Education)

PALE AVÈK PWOFESÈ PITIT OU



Sonje, ou se premye pwofesè pitit ou epi w ap toujou pwofesè ki pi enpòtan an pou pitit ou. Reflechi sou yon rankont kòm yon "reyinyon ekip" kote w ap dekouvrir kontribisyon espesyal nou chak kapab pote pou siksè elèv klas matènèl ou.

Mande pwofesè a kèk egzanp materyèl lekti ki kapab sipòte aprantisaj la. Ansanm avèk pwofesè a, gade kèk egzanp yon bagay pitit ou te kreye, tankou yon desen oswa yon travay atistik, oswa ou kapab revize liv pitit ou renmen yo. Mande pwofesè a kisa travay la di sou kòmansman pitit ou nan vwayaj pou li vin yon lektè ak ekriken ki gen konfyans.

SIPÒTE APRANTISAJ LA LAKAY OU

Ou kapab ankouraje pitit ou aprann lang ak literati anglè lakay ou nan fason ki amizan pou ou ak pitit ou. Eseye lide sa yo apre lekòl, nan jou wikenn epi pandan vakans lete.



Mete lèt ki tache nan leman sou frijidè a. Ede pitit ou sonje son lèt yo fè. Pratike fason pou fòme nouvo mo yo ak fason pou sonje yo.



Jwi liv desen "ki pa gen mo" ansanm avèk pitit ou. Pa gen "bon oswa move" istwa nan kalite liv sa a. Etidye kouvèti a epi prevwa sa ou pral jwenn andedan li. Gade desen yo avèk anpil atansyon epi pale sou detay yo. Fè pitit ou vin alatèt epi pale sou sa istwa a te dekri. Ou kapab reponn li lè ou mande kimoun, kisa, ki kote, kilè epi pou kisa.



Rezève tan chak jou pou li pou pitit ou. Ou ta ka anvizaje idantifye yon "kwen lekti" espesyal lakay ki gen bon ekleraj ak zòrye oswa chèz ki fè ou alèz.



Kreye yon bibliyotèk pèsònèl pou pitit ou. Pou fè sa, chèche jwenn liv ki pa chè nan lavant liv y ap fè nan bibliyotèk oswa nan libreri. Fè yon ti etajè oswa lòt kote pitit ou kapab mete koleksyon liv pa li yo. Fè espas sa a yon kote "pou ale" pou pase moman trankil.



Ankouraje pitit ou pou li fè desen. Mande li pou eksplike desen an oswa pou li rakonte yon istwa sou sa desen li fè a.



Kreye okazyon espesyal ak kat remèsiman ak nòt pou fanmi an ak zanmi yo. Fè pitit ou itilize desen yo epi ekri lèt li konnen yo—tankou non pa li. Ankouraje pitit ou pou aprann adrès lakay li ak non paran li yo.



Aprann pakè epi resite fòmil timoun epi chanje chanson nou pi renmen youn avèk lòt. Patisipe youn apre lòt avèk diferan pati yo.



Pandan w ap li awotvwa pou pitit ou, kanpe epi pale sou istwa a oswa sou enfòmasyon yo. Poze pitit ou kèk kesyon, tankou kisa li panse ki pral pase answit oswa alafen epi pou kisa.



Kilè oumenm ak pitit ou ap fè yon pwomnad oswa ap soti nan yon vватi ansanm, pou montre ak li diferan pano ou wè yo. Nan boutik manje angwo a, li non ki sou pwodui ou abitye yo, aprann non nouvo pwodui yo epi pratike lekti etikèt yo.



Chwazi liv ki itilize anpil rim, liv ki repete ekspresyon yo anpil fwa ak liv ki gen modèl prediktif pou istwa a.



Ale souvan nan bibliyotèk publik lokal ou. Kite li wè w ap chwazi liv, kite li wè w ap prete liv epi kite li wè w ou renmen liv.

Pale avèk pwofesè pitit oswa avèk direktè lekòl li pou ou aprann pi gwo lide pou sipòte aprantisaj li lakay ou.

Telechaje Prensip Florida pou Lang ak Literati Anglè ak lòt resous pou paran yo sou sitwèb www.flstandards.org

Ou gen kesyon? Kontakte JustforParents@fldoe.org

FLORIDA STANDARDS
COLLEGE & CAREER READY

Florida PTA
everychild.onevoice®

www.floridapta.org